

## Universitätsbibliothek Paderborn

**Occupatio animae Jesu Christo crvcifixo devotee.**

**Leroy, François**

**Pragae, 1666**

Caput IV. Ex Christi boni Pastoris contemplatione, speciale concipiendæ fiduciæ argumentum.

[urn:nbn:de:hbz:466:1-47123](#)

*Matth. 7.  
J. Pet. 5.*

nis, jubemur non esse solicii, sed omnem nostram sollicitudinem in Deum projecere, quoniam ipsius est de nobis; quanto id potius de divina nobis providentia pollicebimur, cum de bonis agitur administrisq; aeternae vite: quippe quae ut ipsis immensum praestabiliora sunt, ita probè pernitit nimio plus nobis esse necessaria; neq; nos profectò illa bonitas ad ista eaduca & peritura, sed ad hanc aeterna fruenda considerit, neque pro esca, opinor, aut vestimento nobis querendo mortuus sit Christus, sed immortalium bonorum fructum suo nobis sanguine promeruerit.

## C A P U T I V.

*Ex Christi boni Pastoris contemplatione, speciali concipiende fiducie argumentum.*

§. I.

*Ovis errabunda boni Pastoris sumera reverta.*

**A**fficit me subinde ea quam dicam cogitatio; eandemq; credo pijs mentibus, si eam quidem usurpare voluerint, non inutilem neq; injucundam futuram. Ea autem est hujusmodi.

Propositâ mihi ob oculos illâ boni Pastoris effigie, quâ *J. de pud. c.  
7. § 10.* tum ex Tertulliano (qui eam docet suo tempore in sacris car-  
licibus pingi solitam) tum ex prisca subterraneorum in urbe *Bosius Rom.* Roma cæmeteriorum monumentis (ubi eandem effigiem pluribus locis invenire est) veteres Christianos constat multum delectatos fuisse: in hujus, inquam, pia imaginis contemplatione, fingo me ovem illam esse palabundam & perditam, sed à bono Pastore, lacerato vepribus, spinis coronato, sudore undiq; guttisq; sanguineis difflente, per invia & aspera requisitam, inventam deniq; humerisq; gaudentis impositam ac reverctam.

Tum

Tum verò plenus fiduciae, illis è psalmo verbis ad Patrem cœlorum conversus: *Respic, inquam, Pater optimus amantissime, respice in faciem Christi sui.* Ego pecus illud seductum & erraticum, indignus sum, quem aspicias oculis mili recordig tuæ. Sed aversari nequis faciem unigeniti: neq; illum potes placido lumine contueri, quin ijsdē oculis me iphius collo circumfusum aspicias. Atque eo asperstu commovebuntur, scio, tibi viscera; dum mansuetissimum divini Pastoris vultum ad me blandè conversum intuebere, ipsimq; benignissimum Pastorem, super ovem sibi dilectam, & tanto quæsitam impendio, prono capite reclinatum & acquiescentem, cāmq; stillantibus de sacro vertice cruris guttis respergentem. Ita propter filium patres seruolo, & ovem recipies propter Pastorem.

## §. 2.

*Ex eodem schemate multiplex fiducie ratio.*

**E**NIMVERÒ in hac boni Pastoris figura (quæ in Christo Iesu Salyatore nostro exactè re ipsâ impleta est) tria presentia esse videntur, quæ particulatim considerata, multiplicem nobis fiducia causam suggerant.

**P**rimum: magna illa & sollicita boni Pastoris erga ovem perditæ charitas; quippe qui relictis in deserto, & velut neglectis reliquis ovibus, vel unius requirendæ gratiâ, per aspera montium, obscura vallium, invia nemorum, densa dumorum, horrida yeptrum vagetur, nec cruentatus spinis, sudore perfusus, anhelus cursu, æstu, siti, clamore deficiens, perquirendi studio absistat, donec inveniat eam. Multum enim sibi charam ostendit, quam tanto quærerit impendio; quia, ut sanctus ait Augustinus: *si peccatores DEUS TRACT. 49. in Joan.* non amaret, de celo ad terram non descenderet.

**D**einde: Benigna ejusdem amantissimi Pastoris in inventam denique erroneam ovem indulgentia: quam non-satis

ROY  
CHAPLAIN  
T. J. E. S. U.  
S. C. T. H. O.  
E. T. R. A.  
VI

satis habeat præ se agere , aut virgâ pedōve pastoritio ad re-  
liquum gregem compellere ; sed primū suu ac complexu  
suo dignatam , tum in humeros sublatam reportet , ne vel  
per recordiam aut lasciviam rursum fugiat , vel per infirmi-  
tatem in via deficiat : quasi illi majorem dilationem , atque  
impensiorem sollicitudinem debeat , cui requirendæ ampli-  
orem laborem impenderit .

*Postremò :* Attende , quām libens ac gaudens id faciat;  
de inventa ove sibi gratulans , cāmq; ut fructum laboris sui  
amicis ostentans . Ut verendum non sit , ne tædio virtus-  
liquando abijciat , quam cum tanto gaudio reportet , & ijs;  
quæ non erraverant , quodammodo chariorem habeat .  
*Cant.* *ferm. 6. in Quid ergo?* inquit S. Bernardus : *proprijs humeris dignatus*  
*est illam reportare ; Curam illius non habebit ?*

*Cujus igitur cor non emolliat , aur quem ad fiduciam*  
*Ps. 113. non commoveat hujusmodi cogitatio ? Erravi sicut ovu que*  
*perire : sed amantem mei Pastorem habeo , qui quantumvis*  
*longius errantem , summo studio requirit me . Errando la-  
fus , inedia confessus , insuper & bestiarum dentibus tantum*  
*non consumptus sum : at ille creptum ac restitutum , in sios*  
*amanter sovet , pascit , ac reficit me . Infirmus sum & imbe-  
cillis : sed potens est , qui portat me .*

*O ovinula Christi , paupercula , languens , viribus de-  
fecta , emaciata , sed (quod satis est) Deo ac Christo dilecta ,*  
*sed æstimata tanto sanguine ; quid trepidas ? quid times ?*  
*quid turbaris , cum pastorem sequens , qui non uteunque*  
*te quæsivit errantem , sed posuit pro te animam suam ? Tan-  
tum convertere ad Pastorem animæ tuae ; ut ille regat te , &*  
*salvabit te . Nam qui tantopere quæsivit etiam fugientem ,*  
*& aversantem , minus utiq; abijciet cum bona voluntate*  
*ad se revertentem .*

*Ponderentur deniq; verba S. Hieronymi , ad Pamma-*  
*Epist. 61. c. 2. chium ita scribentis : DEI Filius propter unam morbidam*  
*07420*

ovem, non aginta novem in montibus derelictis, alapas, crucem, flagella sustinuit, & suis humeris portavit ad calos, bajulans delicatam peccatricem. Quibus imitari videtur, quod ante dixerat Tertullianus: Erroneam ovem patientia Pastoris re- t. 2. de par. quirit, invenit, & humeris insuper adverbit bajulus patiens pec- caticem derelictam. Verum delicatam peccatricem appellat Hieronymus; sive prius assuetam delicijs, eōq; laborum- rudem & inexpertam, sive etiam infirmam jam ac imbecil- lam: quippe longis fatigatam erroribus, & lassatam in via iniurias. Multum enim errando laboraverit; ut ait alio in t. 2. de pa- loco Tertullianus. mit. c. 8.

Ex quibus & illud intelligi potest: cuilibet, quamvis desperato, magnam sumendam esse de boni Pastoris beni- ginitate fiduciam: quippe qui longius errantes eō requirat studiosius; eōq; sibi gratuletur amplius, quō magis perdi- tam & desperatam ovem, ad ovile suum, & vitalia pascua reduxerit. *Venit enim querere, & salvum facere, quod perierat.* Lue: 19.

### §. 3.

*Sanctorum Patrum in hunc ipsum sensum atq; affectum  
confirratio.*

**N**on absimili ratione, ad fiduciam ac spem divinæ misericordiæ, ex contemplatione boni Pastoris, ovem perditam requirentis ac reverentis, concipiendam; invenio plerosq; Sanctorum Patrum familiariter usos fuisse: quo- rum verba, ad ejus exercitij non confirmationem modò, aut commendationem, sed usum etiam ac praxim faciliorē, hoc loco juvabit apponere.

In primis enim eodem sensu video fuisse S. Ambrosiū; *In psal. 118.* dum ad illa verba psalmi 118. Erravi sicut ovis que periit: que- *ferm: 22.* reservum tuum; ita scribit: *Veniergo, Domine JESU; que-* relassam ovem tuam: *veni Pastor, quare, sicut oves, Joseph.*

*Erru-*

ROY

CHAP. 10

ST. ELOI

LIB. 1

PAR. 1

ART. 1

LETT. 1

VI

Ernavit ovis tua, dum tu moraris in montibus. Quere me, quia  
ego te requiro; quere me, inveni me, porta me. Potes invi-  
nire quem tu requiris, dignaris suscipere quem invenieris, impo-  
nere humeris, quem suscepis. Non est tibi pium onus fastidio,  
non tibi oneri est veltura iustitia. Et infra: Porta me in cru-  
ce, qua salutaris errantibus est, in qua sola est requies fatiga-  
tus, in qua sola vivunt, quicunque moriantur. Et alio in loco:  
In Lc. c. 15. Gaudeamus igitur (inquit) quoniam ovis illa, qua perierat in  
Adam, levatur in Christo. Humeri Christi, crucis brachia sunt.  
Illic peccata mea deposita sunt in illa patibuli nobilis cervice requi-  
vi. Hactenus S. Ambrosius.

Nec minus appositi S. Gregorius Nyssenus; qui ad il-  
lud Cantorum primo: Indica mihi ubi pascas, ubi cubas,  
(hoc est, ubi pascas gregem tuum, eumque accubare facias)  
in meridie; fiduciae plenus, ita bonum Pastorem alloqui-  
tur: Ubi pascis, o Pastor bone, qui super humeros tollis totum  
gregem? Una enim est ovis universa humana natura, quam sa-  
cepisti super humeros. Offende mihi pascua virentia; indu  
mibi aquam regenerationis; deduc me ad herbam bonam ad nutri-  
endum: voca me ex nomine meo, ut ego qui ovis sum, audias  
vocem tuam; Et propter vocem tuam, da mihi vitam eternam.  
Medit. c. 8. Sed dulcis fari est inter Augustini meditationes, ejusdem  
argumenti illa ad Patrem aeternum oratio: Hic attende pro-  
quam genueris filium, & quem redemeris servum. Hic apre-  
factorem, & non despicias facturam. Amplectere seruum / affi-  
rem, & respice miseratus allatum propriis humeris orem. Illi  
est fidclissimus Pastor ille, qui dudum errabundam per abruptas  
montium, per precipitia vallium, multis variisque questante  
boribus, quodjam morienti, jam per longa exilia deficent, te-  
men inventa gaudens se supponit, & mito fibi annisa charita  
& profunda confusionis abysso levavit, priusq; adfrictam comple-  
xibus, ad nonaginta novem, unam quae perierat, reportauit.  
Ecce, Domine mi Rex, DEUS omnipotens, ecce Pastor bonus re-  
ges tibi, quod commisisti ei, &c.

Ad Christum autem ita paucis S. Bonaventura: *o bo- Stim. p. i.c.  
ne Pastor, ego sum ovis illa, quæ perire & erravit, pro qua in- 15.  
erue posuisti animam tuam. Ecce ego sum, agnoscere eam, in-  
troduc me in caulas vulnerum tuorum. Et alibi: Recognoscere Ibid. c. 7.  
in me imaginem tuam, quamvis deturpatam; & deduc me ope,  
quamvis errantem, ad te pium Pastorem. Gratulatur dulcissi-  
mus Pater de redeunte prodigo filio; Pastor bonus de inventa  
eve; & piissima mater de drachma reperta. o quam felix erit  
dies & hora, quando super collum meum corrues, & oscula ex-  
bibebis!*

Eiusdem deniq; salivæ ac sensus est, B. Laurentij Justi- *Vit. c. II.*  
niani illa sub mortem precatio; ubi in singulari atq; divina  
boni Pastoris charitate spem omnem constituens, inter ca-  
tera his illum alloquitur: *Illa ego ovis amissa ad te Pastorem  
redeo. Vocem tuam novi, non alienorum: peto, Domine, ut  
ad ovile me reducas. Potesne spernere vocem clamantis, & con-  
fugientis ad te? Legi possunt reliqua in ejus vita: est enim  
oratio referta pijs sensibus, & dignissima, quam homo Chri-  
stianus eo in articulo usurpet. Verum de his haec tenus.*

## C A P U T V.

*Quos adhuc peccare delectat, hos terroris potius  
quam fiduciae, in Christo crucifixo causas  
habere.*

**Q**uæ de fiducia in Christi passione ac morte collocanda  
aliquot capitibus disputata sunt, ea ad hos præsertim  
pertinent, quibus sua salus ita est solitudini, ut ejus respe-  
ctu noxijs sece gravioribus abstineant, vel, si quando labi  
humanæ fortis imbecillitate contigerit, continuo se se respi-  
cientes, deplorent infelicitatem suam, atque spe venia &

Kk

emen-